

INUIAQATIGIINI AKI-
SUSSAAQATAANEQ
pillugu nassuiaat
2020

“ Pitsaasumik suliniuteqaruit, assaat ikiuukkusuttut 272-it pigaagut ”

csr@banken.gl



Saamerlermit: Controller aamma Røde Kors-imi kajumissutsiminik sulisoq Rosina Ipsen, Atuisunut siunnersorti aamma inuussutissarsiornermi mentor Mind Your Own Business-imi Kimmernaq Møller, Finanstrainée aamma inuussutissarsiornermi mentor Mind Your Own Business-imi Tulliaq Olsen, Atuisunut ikiorti aamma Mælkebøtten-imi kajumissutsiminik sulisoq Meeqqat Iggaviat Rosine Buhrkal.

IMAI

Siulequt	2-3
Immikkoortoq 1	4
Inuiaqatigiinni akisussaaqataaneq pillugu politikki aamma periusissiaq	4-5
Sulinermik aaqqissuussineq	6-7
Sustainable Development Goals	8-9
<i>Pingaarnert</i>	8
<i>Tulliuttut</i>	9
Aningaasaqarneq atasinnaasoq aamma malittarisassanik malinninneq	10-11
Immikkoortoq 2	12
2020-mi anguniakkat suliniutillu	12
<i>Aningaasaqarnikkut paasisimasaqarneq</i>	12-13
<i>Digitaliusumik ikiuutit</i>	14
<i>Ornigunnikkut tikikkuminassuseq</i>	15
<i>COVID-19-ip nalaani tikikkuminassuseq</i>	15
Mind Your Own Business	16-17
Kajumissutsimik sulisarneq	18-19
<i>Ilinniarfeqarfinnik suleqateqarneq</i>	20
<i>Saligaatsoq</i>	21
Immikkoortoq 3	22
UN Global Compact – 2020-mi sammisat anguniakkallu	22-25
Inuit pisinnaatitaaffii	26-27
Sulisut pisinnaatitaaffii	28-29
Peqquserlulluni iluanaarniarnermik akiuiniarneq	30-31
Immikkoortoq 4	32
2020-mut isummersorneq	32-33
Immikkoortoq 5	34
Aningaaseriviup inuiaqatigiinnut akisussaaqataanageranik naliliineq	34-35
Ilanngussat	

SIULEQUT



GrønlandsBANKENip anguniagaanut tunngaviuvoq aningaaserinermi siunnersuinnikkut tapiissuteqarnikkullu Kalaallit Nunaanni innuttaasunut tamanut naleqarnermik pilersitsinissaq. Inuiaqatigiinni kivitseqataassaagut aningaasaqarnermik paasinninnerup siuarsarneratigut, ilinniarfeqarfinnik kiisalu inuussutissarsiortunik suleqateqarnikkut kiisalu najukkami suliniutit ineriartornerlu piujuartitsisut tapersorsornerisigut. Aningaaseriviup niuernikkut sammisaatigut kiisalu CSR-imi suliniutaatigut Kalaallit Nunaanni piujuartitsisumik ineriartorneq taperseeqataaffigerusupparput, kiisalu ilaatigut Kalaallit Nunaata FP-p Nunarsuarmi Anguniagaanik (Sustainable Development Goals) suliaqarneranut tap-
eeqataarusulluta, inuiaqatigiinnut GrønlandsBANKEN-imullu iluaqutaasumik.



(GrønlandsBANKEN-ip inuiaqatigiinni akisussaaqataanera pillugu politikkkimit tigulaagaq)

GrønlandsBANKEN-ip kalaallit inuiaqatigiit tarrarsorfagai. Inuiaqatigiinni ingerlalluortoqarpat, aningaaserivik aamma ingerlalluassaaq.

Kalaallit Nunaanni aningaaserivittut annerpaatut kiisalu Kalaallit Nunaata tamarmi aningaaserivatut, ulluinnarni ingerlatsinerup saniatigut kalaallinut inuiaqatigiinnut naleqalersitsinissamut pisussaaffeqarpugut.

Allangortitsinissamut piareersimaneq Kalaallit Nunaanni 2020-mi, pingaartumik COVID-19-ip ukioq ajornartorsiorfiutimmagu pisariaqarluinnarsimavoq. Oqaatigisinaavarpullu nunarsuaq tamakkerlugu tuniluuttoqaraluar-
toq iluatsittut amerlasimasut.

Inuiaqatigiinnut akisussaaqataanermut atatillugu suliffeqarfinnut aningaaserinermik suliaqartunut piumasaaqatit annertusiartorput, siumullu isigigutta qilanaarisinnaavarp-
put niuernermi piujuartitsinerup suli annertunerusumik sulissutigineqarnerunissaa. Piumasaaqatit taakku eqqor-
tinnissai qilanaaraarput, taamaasillutik sullitagut, niuer-
nermi attaveqaatigut kiisalu inuiaqatigiit allannguineq malugisinnaassammassuk.

Suliffeqarfiit piujuartitsinermut atatillugu arlalitsigut ili-
uuseqarsinnaapput, aningaaserinermillu ingerlatsivim-
mi sammivimmik ilusilersuisoqarnikuuvoq, suliaqartut
maannakkut atuutilertitassaannik. Aammali piujuartit-
sinermi Kalaallit Nunaata tungaanit sammivimmik pi-
sariaqartitsisoqarpoq, taamaasillutik innuttaasut kalaallit
kiisalu Kalaallit Nunaanni suliffeqarfiit nunap sammivia,
ukkatarisaa anguniagaalu ilisimassammagit. Nunami pi-

ujuartitsinissamut sammivik pingaarnaq Naalakkersuisut
tigummivaat, uagut aningaaserivittut naatsorsuutigisat
eqquutsinissaannut suliniuteqartussaalluta, Kalaallit
Nunaannut iluaqutaasumik.

CSR-imi sulinerput 2023-mut takorluukkatsinnut tupin-
nanngitsumik ilaaginnarpoq: "Kalaallit Nunaanni suliffe-
qarfik pitsaanerpaq – Kalaallit Nunaannut iluaqutaasu-
mik".

Nalunaarutip matuma takutissavaa, suliniutit, anguniak-
kat qanoq ukkatarinniffigissanerigut kiisalu qanoq ilu-
atsissanerluta isumaqarnerisugut. Peqatigitillugu NP-p
nunarsuarmi anguniagaanik 17-inik atuutilersitsinermi
sulinermut killiffissiineruvoq, aningaaseriviup suliniutinik
ukkatarinninnissamut aalajangiiffigisimasaanik. Tamatuma
saniatigut NP-p avatangiisit, inuit pisinnaatitaaffii, sulis-
artut pisinnaatitaaffii aamma ileqqorlunermik akiuini-
arnerup iluini Global Compact-imi tunngavinnik 10-nik
atulersitsiniarnermi suleqatigiinneq ingerlatiinnarparput.

NP-p avatangiisit, inuit pisinnaatitaaffii, sulisartut pisin-
naatitaaffii aamma ileqqorlunermik akiuiniarnerup iluini
Global Compact-imi tunngavinnik 10-nik atulersitsiniar-
neq ingerlatiinnarparput.

UNGC-p tunngavii qulit pillugit aningaaseriviup siua-
riartornera pillugu nalunaarutit saniatigut, nalunaarut
una aamma suliarineqarpoq, naatsorsuutit pillugit
nalunaarummi § 135 aamma 135a naapertorlugit.
Neriuppugut nalunaarut una paasisaqarfialugulu isu-
massarsiortfigissagit.





Nuuk, 8. marts 2021
Martin Kviesgaard,
Aningaaserivimmi pisortaq

INUIAQATIGIINNI AKISUSSAAQATAANEQ PILLUGU POLITIKKI AAMMA PERIUSISSIAQ

GrønlandsBANKEN-ip inuiaqatigiinni akisussaaqataaneq pillugu politikki suliarineqarpoq aningaaserivimmuut soqutiginnittunik oqaloqatiginnineq taakkulu GrønlandsBANKEN-ip CSR-imi suliniutai pillugit nalilersuineri tunngavigalugit. Aningaaseriviup CSR-imi suliai politikki-mik taassuminnga tunngaveqarput, tassani aningaaserivi-up suliniutaani anguniagaq pingaameruvoq inuiaqatigiinni unammillemertut iluarsinissaannut tapeeqataanissaq, kiisalu Kalaallit Nunaannut iluaqutaasumik pijuartitsisuumik ineriartortitsinermik pilersitsinissaq.

Aningaaseriviup inuiaqatigiinnut akisussaaqataaneraniq suliaqarnittaag, aningaaseriviup 2023-mut takorluuganiq tunngaveqarpoq: "Kalaallit Nunaanni suliffeqarfik pitsaanerpaag – Kalaallit Nunaannut iluaqutaasumik". Tamatumani saniatigut aningaaseriviup pingaartitai (tunniusimaneq, peqqissaartuuneq, sullitanik pingaartitsineq aamma ineriartormissamut pingaartitsineq) CSR-imik suliaqarnermi ilaatinneqarput.

Niuermikkut anguniakkanut ilaapput aningaasaqarnikkut ineriartormermut pijuartitsisumut tapersiinissaq kiisalu aningaaseriviup, tatiginartutut patajaatsutullu tusaamaneqarneraniq attassiinnarissaq. Tusaamaneqarneq sullitat kiisalu sulisut tatiginamerannut sunniuteqartoq kiisalu siunissaq ungasinnerusoq eqqarsaatigalugu naammaginartumik aningaasaqarnikkut ingerlatsinermik qulakkeerinnittumik tapersiisoq.

Aningaaseriviup aningaasaqarnermik paasisimasaqarnermik pilersitsinissamut suliniutaata tapersersomi

arlugu, siunnersuinitta kiisalu pingaarnertut niuerfitta avataani taarsigassarsitsinikkut aningaasalersuinitsinnik atuisinnaanermik annertusaaneq sulissutiginnassavarput. Sulisugut aningaasaqarnermik paasisimasaqarnermik suliaqarnitsinnut siammassissumik peqataatiinnarissaat, kiisalu suliniutinut CSR-imut attuumassuteqartunut allanut tapersersuinissarput kissaatigaarput.

Periusissiami qitiuvoq sullitatsinnut aningaasaqarnikkut ineriartormermik pijuartitsisumik pilersitsinissaq. Tamatumani avatangiisitigut pijuartitsinerup, ilinniartaanerup il.il. ukkatarineqarmissaat piumasaqaataavoq. Ilisimavarput, nammineq aningaasaqarnikkut periarfissat pillugit iliuuseqarsinnaanermik paasisimasaqarmissaq piumasaqaataasoq. Aningaaserivimmuut soqutigisallit suliaqarfarfik taannarpiag, aningaaseriviup allanngueqataaffigisinnaasaani pingaarnarpaat ilaattut tikkuarpaat. Taamaattumik piginnaasagut aallaavigalugit Kalaallit Nunaanni tamarmi aningaasaqarnermik paasisimasaqarnermik annerusumik pilersitseqataarusuppugut.

'Aningaasaqarnermik paasisimasaqarnermik pilersitsineq' inummut ataasiakkaamut imaluunniit ilaqutariinnut pitsaasunik aalajangiisarnissamut periarfissanik pilersitsineruvoq. Aningaasaqarnermik paasisimasaqarnermik pilersitsinermik suliaqarnermi pingaarnertut sammiviupput sullinniakkat, CSR-imik suliniuteqarnermi aningaasaqarnermik paasisimasaqarnermissamik annerusumik pisariaqartitsisunut ilaasut, ass. meeqqat/inuusuttut, inuuniarnikkut ajornartorsiortut il.il.

Takuss. I. CSR-imut pilersaartut 2.0


Atasinnaasumik aningaasaqarnikkut ineriartorneq aamma tamanna aallaavigalugu iliuuseqarsinnaanermut periarfissat

Pilersaarusiame immikkoortoq qitiusoq; Inunnut ataasiakkaanut Kalaallillu Nunaannut tamarmut **ANINGA-ASAQARNEQ PILLUGU PAASINNIN-NERUNERMIK** pilersitserusuppugut – siunissamut aningaasaqarnikkut ineriartormermik atasinnaasumik tamanna pilersitsissammat

Siunnersortinnermik aamma taarsigassarsinnaanermik pissarsinnaaneq

Sulinerup nalaani kajumissutsimik suliner-mut peqataaneq





GrønlandsBANKEN-ip anguniagaa



GrønlandsBANKEN Kalaallit Nunaanni tamarmi innuttaasunut aningaasaqarnermi immikkoortumi siunnersuinikkut aamma sullissinikkut naleqalersitsivoq. Inuiaqatigiit kivitseqataaffigaagut aningaasaqarnermik paasinninnermik siuarsaanikkut, ilin-niarfeqarfinnik aamma inuussutissarsiorfinnik suleqateqarnikkut kiisalu najukkami suliniutinik ineriartornemillu atasinnaasunik tapersersuinikkut





Carsten Th. Pedersen
Allaffissornermi pisortaq

SULINERMIK AAQQISSUUSSINEQ

Aningaaseriviup inuiaqatigiinni suliniuteqarneranut qullersatut akisussaaffik allaffissornermi pisortamik tigummineqarpoq, taanna qullersanut suliap siuariartornera pillugu ingerlaavartumik ilisimatitsisarpoq.

Aningaaseriviup Tamatuma saniatigut aningaaseriviup CSR-imik suliaqarnera aqutsisoqatigiinni tunngaveqarpoq, tassani peqataallutik allaffissornermi pisortaq, CSR-imi allatsi, HR-imi pisortaq, kiisalu immikkoortuni pingaarutilinni pingaarnertut akisussaasuusut periusisiami atuuttumi ilanngunneqartut.


Martsimi 2013-imi GrønlandsBANKEN taaneqareersutut UN Global Compact-imut (UNGC) ilannguppoq. UNGC-mi ilaasortat ukiut tamaasa pilersaarummik suliaqarnerminni siuariartorneq pillugu ukiumoortumik nalunaarusiortarput. Una aningaaseriviup ilaasortatut nalunaarusiomnerisa arfineq-pingajoraat.

Malittarisassanik malinninnissamut piumasaqaatit anertusiartornerannut kiisalu Forum for Bæredygtig Finans-ip innersuussutaanut atatillugu, CSR-imi aqutsisoqatigiit 2021-mi ilaatigut malittarisassianik suliniutunik aqutsineq qulakkiissavaat.





WE SUPPORT





**PIUJUARTITSILLUNI
INERIARTORTITSINERMI
NUNARSUARMI ANGUNIAGAQ**

**SUSTAINABLE
DEVELOPMENT GOALS**



NP-p nunarsuarmi anguniagaanik 17-inik nunarsuarmi ajornartorsiutit nukinginarnerpaat ilaannik 2030-itin-nagu aaqqiissuteqarnissamut sammiviliinissaq siunertaavoq.

SDG-t ukkatarilersitsipput, anguniakkat anguniarlugit kattuffiit qanoq tapersiinnaaneriniq. Anguniakkat tamanut atuussinnaapput kiisalu inuiaqatigiinnut, naalaga-affinnut, NGO-nut il.il. tunngallutik.

Anguniakkanik sorlernik aningaaseriviup immikkut sunnersinnaasaanik eqqarsaatigilluakkanik toqqa-anikuuvugut. Matuma ataani nalunaarusiami immikkoortinneqarput immikkoortut pingaamerit tulliliu. Immikkoortut pingaamerit aningaaseriviup, kiisalu immikkoortut aningaaseriviup niuerfianut aamma inuiaqatigiinnut akisussaananeranut pissusissamisoortumik attuumassuteqartut kiisalu nunarsuarmi anguniakkanut attuumassuteqartunut annertunerpaamik tapiissuteqarfigisinnaasai CSR-imi periusissiaani itinerusumik tunngavilerneqarput.

Pingaarnertit



**ILINNIARTITAANEQ
PITSAASSUSILIK**

Aningaasaqarnermik paasisimannineq aningaaseriviup CSR-imi periusissiaani pingaaruteqarluinnarpoq. Ilinniarnikkut, inuiaqatigiit aningaasaqarnermik paasisimannineq pisariaqartinneqartoq angussavaat, tamanna inuuniarnermi atugarisanik naammaginatuninngit atassinermut atornerqassaaq. Ilinniartitaaneq siuarsarniarlugu aningaaserivik arlalinnik suliniutinik ingerlataqarpoq. Taakku ilagaat, aningaaserivimmi siunnersortit inuusunnerusut atuarfannut angajullernik, aningaaseriviup aningaasaqarnermik ilinniutaa Qassit atorlugu aningaasaqarnermik aqutsinermik atuartitsiartortarneqarar. 2020-mi nuna tamakkerlugu atuarfannut 19-eriarluni pulaartoqarpoq.



**SULIFFIIT NAAPERTUUTTUT
ANINGAASARSIORNIKKULLU
SIUARIARTORNEQ**

Kalaallit Nunaanni aningaaserivittut annerpaatut GrønlandsBANKEN ineriartormermik aamma suliffinnik Kalaallit Nunaannut iluaqutaasumik pilersitsinissamut qitiusutut tupinnangitsumik inissisimavoq. Tamarumani aqputaavoq akisussaassuseqartumik taarsigassarsititsisamermut politikki Kalaallit Nunaanni siammassissumik sammiveqartoq, taamaasilluni sumiiffinni amerlanerusuni ineriartortoqassamat, nunamut iluaqutaasumik. Peqatigitillugu aningaaseriviup taarsigassarsititsisamerata piujuartitsineq siuarsarsinnaavaa, ass. avatangiisnut mianerinnittumik taarsigassarsititsisamikkut kiisalu sammisanik akomutaasunik aningaasaliisannginnikkut avatangiisnut akomusiineq annikilisaanikkut. Maannakkorpiaq Kalaallit Nunaata annerpaartaa aningaasarsiomikkut ingerlalluarfiuvoq. Aningaaseriviup ataatsimut taarsigassarsiarititai 2020-mi kr. 4,0 mia.-iupput.



Tulliuttut



PIITSUUSSUSEQ NUNGUTILLUGU

Kalaallit Nunaanni Naatsorsueqqissaartarfimmit kisitsisit nutaanerpaat takutippaat gini-koefficienti Kalaallit Nunaanni appariartortoq. Tamanna pitsaasuvoq, inuiaqatigiinnilu siuariartormerut kiisalu suliffissaaleqsut ikiliartormerannut attuumassuteqarluni. Miserratissaanngilaq, pitsaanerusumik ilinniagaqaraanni pitsaanerusumik isertitaqartoqartartoq, aningaaseriviullu tungaanit anertuumik kajumissaassutigineqassaaq, ilinniagaqarmissamut kajumissaarutaasunik suliniutinik suli annertunerusumik ukkatarinnittoqassasoq.



PIUJUARTITSILLUNI NUKISSIORNEQ

GrønlandsBANKEN-ip piujuartitsilluni nukissiuutit ineriartormerat tapersorsorusullugulu siuarsarusuppa. Taamaattumik aningaaserivik immikkoortortaqaarfiit illutaanni tamani seqernup qinngornerinik tigooraasutininik peqarpoq, tamanna toqqaannartumik nukinnik sipaarnaruvoq, aammali inuinnarnut kiisalu inuussutisarsiorluni suliffeqarfinnut isumassarsititsissutaalluni. Peqatigittillugu taarsigassarsianik avatangiisinut iluaqutaasunik neqerooruteqartoqarpoq, taakku taarsigassarsianit nalinginnaasunit appasinnerusumik erniaqarput, ass. biilinit avatangiisinut piujuartitsisumik teknologiilinnut imaluunniit inigisamik nutarsaanermut aningaasaliisoqarpat. Piujuartitsisumik allannortitsinermik aningaasalersuineq immikkoortuuvoq, aningaaseriviup niuernermi suli ilaalersinnerunissaanut ukkatarerusutaa.



INOQARFIIT PIUJUARTITSIFFIUSUT

GrønlandsBANKEN-imi anguniagaavoq Kalaallit Nunaannut tamarmut iluaqutaanissaq. Matuma ataani aningaaserivik illoqarfiit pingaarnersaannik piujuartitsisumik kiisalu nunap ilaani illoqarfinni annerni kiisalu najukkami inuiaqatigiinni minnerusuni, inuttussutsikkut ikiliartuaarnermik misigisaqartuni annertuumik ineriartornissamut ilippanaammik pilersitseqataarusuppoq. Aningaaserivik taamaaliortarpoq ilaatigut tikikkuminasutsikkut kiisalu niuerfiit avataani aningaasaliinertigut. 2020-mi siunnersortigut Tunumi Tasiilamiipput, illoqarfinnut nunaqarfinnullu angalanerit allat COVID-19 pissutigalugu unitsinneqartut. Sullitagulli siunnersortinukarniarlutik "asuliinnartitsisimangillat", videokkut ataatsimeeqateqarmissaq periarfissaajuannarnikuummat, aamma tamanna 2020-mi COVID-19 pissutigalugu annertunerusumik atorneqarsimammat.



SULEQATIGIINNIKKUT ANGUNIAGAQARNEQ

GrønlandsBANKEN assigiingitsunik namminersortunik pisortanillu suleqateqarpoq, taakku nassataarat immikkoortuni soorlu ilinniagaqarnermut, avatangiisinut, isumaginninnermut aamma aningaasaqarnermut tungasuni suliniutinik ataqatigiissunik nassataqarput. 2020-mi aningaaserivirup peqatigiiffik Mind Your Own Business suleqatigaa, taassuma siunertaraa, nukappiaqqat aallartisaanissamut piumassusaat, suliatigut aamma inuunermi piginnaasatigut nukittorsarnissaat kiisalu ilinniarfeqarfimmut aamma suliffeqarfeqarfimmut atassuteqarnerannik nukittorsaanissaq. Suliniut taanna suli tapersorsorparput, suleqatigullu peqataatippagut. CSR Greenland-imili peqataanerput ilinniagaqarinnikkut aamma avatangiisinut tungasuni suliassaqaarfinni suleqataanitsinnut atatitsisuuvoq ass. Qaqisami aamma Saligaatsumi.

Nalunaarusiomermut atatillugu SDG-t aningaaseriviup suliniutai kiisalu inuiaqatigiinni immikkoortuni toqqaarqartuni sunniuteqarnerit ersarissassavai. Nunarsuarmi anguniakkanik ukkataqarneq aningaaseriviup UNGC-mi kiisalu avatangiisit, inuit pisinnaatitaaffiisa, sulisartut pisinnaatitaaffiisa aamma ileqqorlunnernik akiuiniarnerup iluini tunngaviit 10-nut atasutut isigineqassaaq.

ANINGAASAQARNEQ ATASINNAASOQ AAMMA MALITTARISASSANIK MALINNINNEQ

Forum for Bæredygtig Finans Finans Danmark-imut 2019-ip naanerani innersuussutini saqqummiussaqqarpoq. Innersuussutini taakkunani ilaatigut erserpoq, aningaaserinermik ingerlatsivik Danmarkip kiisalu EU-p atajuartitsinermi anguniakkanik angusaqamissaanut pingaaruteqarlunartumik inissisimasoq. Bæredygtig Finans-ip aningaaserivinnut erseqqissumik innersuussutigaa:

- Niuernermut ilusiliani atajuartitsinermik ilanngussisoqassasoq
- Pisiassanut nioqqutissanik atajuartitsiffiusunik amerlanerusunik ilanngussisoqassasoq
- Nammineq niuernermi atajuartitsineq naammassineqassasoq
- Ersarissumik tatiginartumillu uppersaasoqassasoq attaveqatigiittoqassasorlu
- CO₂-mik aniatitsinermik kiisalu siunissami annikillisaanissanut anguniakkanik saqqummiussisoqassasoq
- CO₂-mik misissuinissamut annertuumik pilersarusiortoqassasoq

Pissutsit tamakku GrønlandsBANKEN-ip nammineq CSR-imi suliniuteqarneranut naapertuupput, taamaattumillu suliniuteqarneq tikilluaqqarput. Aammali nassuterutigisariaqarparput, ukiuni aggersuni atuutilersitsinissaq naammassiuminaassasoq.

Aningaaseriviup nalunaarusiamik matumanga, aningaaseriviup suliniutai arlallit attaveqatigiissutigai. Suliniutit ilagaat, ilaatigut 2020-mi sullitanut periarfissanngormat, avatangiisinut mingutsitsinngitsumik aningaasaliinermi uppersaatinut aningaasaliisinnaalersimaneq. Suliniutit arlallit aamma suliarineqarput, soorlu taakkununga anguniakkat aalajangersarneqassasut.

Aningaaseriviit uppersaataannut aamma attaveqatigiinnerinut piumasaqaatit amerlanerit ingerlaavartumik oqaasertaliomeqartassapput. Tassunga atatilugu CSR-imik suliaqarneq kajumissutsimik tunngaveqartumit annertunerusumik malittarisassanik aqunneqarnermut nuukkiartusaaq. Piumasaqaatit ilaasa aningaaserivik uppersaataatigut tamaviaamartumik inissisinnavaa, ass.

taarsigassarsiarititanut aamma aningaasaliinermut atajuartitsisumik immikkoortiterisamermik eqqussinermut atatilugu. EU-Kommissionip maannakkorpiaq immikkoortiterineq atulersikkiartuaarpaa (suut taarsigassarsiinerit aamma aningaasaliinerit avatangiisinut mingutsitsinngitsuunerannik nassuiaaneq). Ineqarnermut aningaasaliinermut atatilugu, illup pioreersup qaqugukkut avatangiisinut mianerinnittut immikkoortinneqarsinnaaneranut piumasaqaatit Danmarkimi/EU-mi sukaterneqassapput. Kommissionip pilersaarutigaa, illuutit sarfatorpallaannginnermut nalunaaquttamik (energimærke) A-mik nalunaaqutaqartut taamaallaat avatangiisinut mianerinnittut isigineqassasut. Illunut nutaanut atatilugu illut taamaallaat avatangiisinut mianerinnittut taaneqassapput, illu nuna tamakkerlugu illunut inatsisitigut piumasaqaataasumit 20 pct.-i sinnerlugu nukimmik atorluaneruppat. Piumasaqaat Danmarkimi sarfatorpallaannginnermut nalunaaquttamut A2020-mut naapertuuppoq. Danmarkimi illut nutaat amerlanerpaat illunut malittarisassat BR18, sarfatorpallaannginnermut nalunaaquttamut A2015-imut naapertuuttut eqqortippaat, taamaattumillu taakku illumut avatangiisinut mianerinnittuunissamut piumasaqaatit eqquutsinngilaat.

Pingaaruteqarpoq oqaatigissallugu Kalaallit Nunaat EU-mut ilaanngimmat, taamaattumik malittarisassat piumasaqaatillu ilaat Kalaallit Nunaanni atulersinneqar-nikuunngillat. Assigiinngitsunik inatsiseqamikkut unammillernartunut assersuutit ilagigaat takuneqarsinnaavoq, Kalaallit Nunaanni illut sarfatorpallaannginnermut nalunaaqutsiisoqarneq ajormat. Taamaattumik A2020-mut piumasaqaat Kalaallit Nunaanni pivusorsioruussanngilaq. Taamaattumik ineqarnermut aningaasaliinermi atajuartitsineq ukkatarineqartoq taamaasilluni tapersersornissaa, nalunaarusiorfiginissaa aamma piumasaqaataaffiginissaa unammillernartuussaaq. Taamaattumik Kalaallit Nunaanni qitiusumit suliniutinik pisariaqartunik pisariaqartitsisoqarpoq. GrønlandsBANKEN taamaallaat killilimmik annertussusillimmik aningaaserinermik ingerlataqarnermi malittarisassanut ilaasussaagaluq, aningaaseriviup pisuni tamani suliasaqarfimmi best practice malikkusuppaq.





2020-MI ANGUNIAKKAT SULINIUTILLU



Aningaasaqarnikkut paasisimasaqarneq Aningaasaqarnikkut paasisimasaqarnermik siammarterinissaq ukiorpasuumi aningaaseriviup CSR-imi sulinerani suliaavoq qitiusoq pingaarutilik. Suliassaqarfik piffissap ingerlanerani aaqqissuussaannerusumik suliassatut ineriartuaarsimavoq, 2010-milu aningaaseriviup inuiaqatigiinnut akisussaaqataaneranut nalunaarusiornerani anguniakkanik aalajangersaavugut.

2018-imi illoqarfinni immikkortortaqaqfitsinni tamani atuarfinnut arlalinnut aalajangersimasumik isumaqatigiissutinik pilersitsivugut. Aningaaseriviup anguniakkanik aqutsineranut ilaavoq, atuarfimmil angajullerini saqqumiisoqartarnissaa kiisalu spillimut ilinniutaasumut Qassit-nut, aningaaseriviup ineriartortissimasaanut ilisarititsisoqartarluni. Spilli atuarfinnut pulaarneri ukkatarineqarnikuvoq, tassani qarasaasiakkut spillikkut aamma brætspillikkut inuiaqatigiillerinermi aamma matematikkimi/inuinnaat aningaasaqarneranni piviusumik unammillernartut ataqatigiisimmagit. Internettikkut toqqaannartumik aaneqarsinnaanerata saniatigut, 2018-imiilli app-i mobilikkut aamma tablet-ikkut aane-

qarsinnaavoq, tamanna atuartut kiisalu ilinniartitsisut aallernissaannut ajornaannerulersitsivoq.

Qassit pillugu ilisimasaqarneq siammarterniarlugu, aningaaserivik 2020-mi nuna tamakkerlugu unammisitsivoq, tassani meeqqat atuarfianni 8. klassiniik 10. klassinut Qassit-nit akissutitik nassiussinnaallugit. Upernavimmit, Qeqertarsuarmit, Sisimiunit aamma Nuummit atuarfiit unammisitsinermi peqataapput.

Tamatuma saniatigut aningaaserivik 2020-mi meeqqanut 5-6-inik ukiulinnut atuakkamik suliaqarpoq, tassani oqaluttuaq aallaavigineqarpoq, aningaaseriviup maskotiata Appap, atuarfimmil atuaqatinilu aningaaserivimmut pulaarnera. Atuakkamik anguniagaavoq meeqqat tunn-gaviumik kisitsisinik paasinninnissamik kiisalu kisitsisinik ilisarinninnissamik ilinniartissallugit. Meeqqat atua-gaat ateqarpoq "Appa aningaaserivimmut pulaarpoq" kiisalu Qaqisamit isumassarsiaalluni, atuarfiit suliffeqarfinnut pulaartarnerannit. Atuagaq illoqarfinni nunaqarfinnilu tamani 1. klassinut agguanneqarpoq.





Allaffiup teeqquani piortaq naapippaat "Pulaarnersi nuarneq? Neruppunga siunissami arlarsi auleqatigilissallutigu" oqarpoq.
Ulloq sunaasq ullorelutini allassimava?

I hjørnekoret meder de direktøren "Er jeres bæsteg sjous? Jeg håber at en siger han."
Hvilken dato siger kalenderen?

Appa aningaaserivimmul
pularpoq

Appa besøger banker

“ Atuisunut pisortaq Niels-Anthon P. Høegh Nuummi immikkoortortaarfimmit Paamiuni tunisassiorfimmi Royal Greenland-ip sulisuinut videokkut ataatsimiineq atorlugu saqqummiivoq. Saqqummiineq Paamiuni ingerlanneqartussaagalarpoq, angalanermili killilersuineq pillugu tamanna taamaatinneqarpoq. Saqqummiineq ileqqaarnissamut periarfissanut, soraarnerussutisiaqalernissamut aaqiissutinut aamma missingersuusiornissamut siunnersuutitsialannut il.il. tunngavoq, tamannalu tamanut misigisaq pitsaasuulluni. ”



Digitaliusumik ikiutit

Nunami ungasissutsit aningaaserivimmuq sullitanullu unammillernartuusuaannarsinnaavoq, aningaaseriviup arfinilinnik immikkoortortaarluni nuna tamaat illoqarfiit 22-usut aamma nunaqarfiit 58-iusut sullittussaamagu. Tamanna tunngavigalugu digitaliusumik imminut sullissinnaaneq ukkatarinniffiuvoq annertoq, tamanna innuttaasorpasuit ulluinnarni aningaaserivimmi suliassaannut ikiutaasinnaammat. Netbank aamma Mobilbank pillugu ilinniartitsineq nalinginnaasumik takkulluni ingerlanneqartarpoq, aammali oqarasuaatikkut ingerlanneqarsinnaalluni. Matumani aamma videoliat paasissutissiissutit aningaaseriviup nittartagaani aamma Facebookimi quppernerani takuneqarsinnaapput. Kalaallit Nunaanni inersimasut 80 %-ii Facebookeqarput, amerlanerpaallu ulluinnarni inuit attaveqatigiittarfiat atortarpaat, taamaattumik videoliat paasissutissiissutit atassuteqaatiginissaat ajornanngitsunnguuvuq. Aningaaserivik ullumikkut Facebookimi 17.000-it sinerlugit malinnaasoqarpoq, inuillu attaveqatigiittarfiat taanna inuppassuarnut paasissutissiinissamut atatillugu nukittunerpaatut isigaarput.

4 ILINNIARTITAANEQ
PITSAASSUSILIK



8 SULIFFIIT NAAPERTUUTUT
ANINGAASARSIORNIKKULLU
SIUARIARTORNEQ



Netbanki 2020-mi nutaamik paasiuminamerusumillu isikkortaarpoq, tamatumalu digitaliusumik aningaaserivimmi ujartuinissaq ajornannginnerulersippaa. Aningaaseriviup sullitat naammagisimaarinninnerinik misissuinerata takutippaa, sullitatta 90 %-iisa Netbank aamma Mobilbank iluarisimaartorujussuugaat. Aningaaseriviup nammineq sullissinerisa saniatigut, sullitatsinnut Apple Pay, Google Pay neqeroorutigaaqut kingusinnerpaamillu MobilePay saqqummiupparput, taanna suliffeqarfinnut akiliinissamut periarfissaavoq iluatinnartoq, atortorissaarutininik akisuuninik ikkussuunissamut pisariaqartitsiffiunngimmat, kiisalu innuttaasut akornanni ilaatigut Facebookikkut digitaliusumik tunini-aavinni ajornanngitsumik akiliissutaasinnaammat.



Ornigunnikkut tikikkuminassuseq

GrønlandsBANKEN-ip anguniagaraa, sullitatta tunngaviusumik aningaaserivimmi suliassat pillugit aningaaserivimmut ornigussinnaaneq akornutigissanngikkaat, nassuerutuigisariaqarparpulli, tamatumani sullitatsinnut amerlasuunut suli anguniagassaasoq. Taamaattumik ukiut tamaasa Avannaani, Kujataani Tunumilu illoqarfinni immikkoortortaqarfitta avataaniittunut tullitagut tikeraartarpagut. Nunami ungasissutsit pissutigaat illoqarfinni immikkoortortaqarfisatta avataanni sullitagut qaqutigut siunnersortimik qanimut oqaloqateqartarnerannut, illoqarfinnut pineqartunut, matuma ataani Uummannamut, Tasiilamut aamma Narsamut angalannikkutta siunnersortimik naapitaqarneq ajorput. Illoqarfinni taakkunani siunnersortigut nalinginnaasumik aningaasaqarneq pillugu siunnersuisarput, soraarnerussutisiasat pillugit siunnersuisarput kiisalu imminut sullinnissamut aaqqiissutinik ilinniartitsisarlutik.

COVID-19-ip nalaani tikikkuminassuseq

COVID-19 pissutigalugu ingerlaavartumik angalanisamat killilersuisoqartaraluartoq, Kalaallit Nunaanni siunnersortit angalasamerat ingerlaannarsinnaasimavoq, piffissani sivirusunerusuni nunami tunillatsissimasunik peqartarsimannngimmat. Nunarsuarli tamakkerlugu tuniluuttoqarnera illoqarfinnut kingornussisarneq, toqusoorneq, avinneq aamma testamentit pillugit saqqummiartorluni angalasarnernut kinguneqarsimavoq. Ukiuni siuliini suliassaqqarfik pillugu soqutiginninneq annertunerujartorsimavoq, tassani GrønlandsBANKEN Nuna Advokaterne suleqatigalugu illoqarfinnut annernut tikeraartarpoq. COVID-19-illi angalanerit taakku unitsikkallarsimavai, nunap iluani angallannerni piffissakkaartumik killilersuinerit pissutigalugit.



Inger aamma Susanne Tasiilamiipput 2020-mi atuisunut siunnersuiartorlutik.

MIND YOUR OWN BUSINESS

“Mind Your Own Business”-imik (MYOB) suleqate-qarneq maannakkut ukiut aappasaanut ingerlavoq, suliniutillu ilagaat aningaaseriviup tiimerpassuarnik tunniussiffigisagaa. MYOB-imik siuertaavoq nukappiaqqat 13-21-nik ukiullit nammineq suliffeqarfimmik aallartitsinissaannut periarfissinnissaat, tassani allatut ilinniarfeqartinniarlugit, meqqat atuarfiisa aamma ilinniagaqarfii soqutiginnilersittuaannangimmagit. Allatut ilinniarfik pilersinneqartarpoq inuiaqatigiinnit venturepilot-it aamma inuussutissarsiornermit inuussutissarsiornermi suleqatigisat kajumissutsiminnik suliaqartut suleqatigalugit, tassani aningaaserivik inuussutissarsiornermi suleqatigisat arlallit ilagaat. Tunngaviumik siunertaavoq nukappiaqqat suliatigut inuunermilu piginnaasaat nukittorsarnissaat kiisalu ilinniarfeqarfimmut suliffeqarfimmullu atassuteqarnerat nukittorsarnissaat.

Kalaallit Nunaanni GrønlandsBANKEN MYOB-imik isumassarsiamik ingerlatsinermi tamarmi peqataavoq. MYOB, CSR Greenland aamma GrønlandsBANKEN akornanni siunnersiueqatigiinnerup suleqatigiinneq, aningaaseriviup ullumikkut isumaqatigiissuteqarfiginikuusaa ilusilersornikuuaa. Aningaaserivik suliffeqarfittut mentor-iusutut suliniummik aallartitsinerit tamaasa, qaammatini arfineq-pingasuni siviussuseqartumi, sulisunik sisamanik atugassisarpoq, maannamullu MYOB suliniut misiliutaasoq ataaseq, suliniutit tamakkiisut marluk naammassinikuuai kiisalu 2020-mi suliniutinik marlunnik pilersitsinikuulluni.

Suliffeqarfii, 2020-mi pilersinneqartut, tassaapput “Qasujaallisarta”, Nuummi tamanut arpanermik aaqqissuussisartut, tassani kikkut tamarmik timimik aalatitsisarnissaat siunertarineqarluni. Suliffeqarfiup aappaa tassaavoq “Wenuits”, hoodies-inik tuniniaasoq, kikkut tamarmik kissalaarnissaat siunertaralugu. Soorlu ersertoq, suliffeqarfii nioqqutai/sullissineri inuunermi isiginniffimmik imaqaassapput.

2019-imi GrønlandsBANKEN MYOB-imut 196 tiiminik tunniussivoq, kiisalu 2020-mi tiimit 194-it tunniullugit, taamaasillunilu kajumissutsimik sulinermut tiimit tunniussat tassani ersarissumik sallsaallutik.



Atuisunut siunnersorti Kimmernaq Møller Mind Your Own Business-imi nukappiaqanut inuussutissarsiomermermi mentoriunikuuvoq. Uani Qaamasunnguaq nikorfaqtigivaa.



Asseq. Mind Your Own Business

4 ILINNIARTITAANEQ
PITSAASSUSILIK

17 SULEQATIGIINNIKKUT
ANGUNIAGAQRNEQ

2020-mi aningaaserivimmi sulisut 5-it Unnuarissatut pisut-tarput. Unnuarissanut kajumissutsimik sulinerit 103 tiimiusut tunniunneqarput ataatsimullu isigalugu sulisut taakku tallimat 25-riarlutik pisuttarsimallutik.



Assimi takuneqarsinnaapput (talerperleermiit) atuisunut siunnersorti Inunguaq Olsen, Unnuariaq Kimmemaq Kjeldsen, inuussutissarsiomerme siunnersorti Heinrich Hansen aamma inuussutissarsiomerme siunnersorti Keld Villadsen.

KAJUMISSUTSIMIK SULISARNEQ

Ukiut tamaasa aningaaseriviup 2.000 tiimit kajumissutsimut sulinermut atugassanngortittarpai. Sulisup nammineq aalajangertarpaa tapeeqataarusunnerluni, taamaappallu tiimit nalinginnaasumik suliffiup avataani atoruneqarsimasut afspadserereneqarsinnaapput. Ukiut ilaanni kajumissutsimik sulinermut malunnartumik tiimit amerlanerusut atoruneqartarput, pingaartumik nuna tamakkerlugu annertuunik aqqissuussanik ingerlatsisoqartillugu. 2020-mi Nordic Cup (nuna-avannarlerni futsal-imi pissartanngorniunneq) Nuummi ingerlanneqartussaagalarpoq, COVID-19-ili pissutigalugu pissartanngorniunneq 2021-mut nuutsinneqarpoq. Tamatumunnga aamma atuupput timersuutini arlalinni Kalaallit Nunaanni pissartanngorniunnerit.

Taamaatitsinerpassuugaluartut, aningaaseriviup sulisuisa 2020-mi kajumissutsimik sulinermut 823,50 tiimit tunniussimavaat, taakku 2019-imut sanilliullugu 212 tiiminik ikannerupput. Ilimagaarput, suleqatigiinnissamut isumaqatigiissuterpassuit aalajangersimasut saniatigit, aamma nalunaarsuinermut systemi ajornannginnerusoq 2020-mi ilisaritinneqartoq pissutaasoq. Ukiuni siuliini takusimavarput kajumissutsimik sulinerme tiimit arlallit nalunaarsorneqarneq ajortut, nalunaarsuinerme systemit arriippallaartut pissutigalugit.

Aningaaseriviup suliffeqarfiit arlallit suleqatiginissaanut aqqissuussinikuuvooq, taakku ilai ataani takuneqarsinnaapput:



mælkebøttecetret

Kalaallit Røde Korsiat 

MIND YOUR OWN BUSINESS




Meeqqat Ikiortigit
Red Barnet Kalaallit Nunaat



Suliffeqarfiit taakku GrønlandsBANKEN-ip kajumissutsimik sulisarneranik annertunerusumik takussutissiipput, pingaartumilli CSR Greenland suleqatigalugu CSR-imi aqqissuussamik sulinermut taperseeqataasarpoq, tassani aningaaseriviup pisortaa, Martin Kviesgaard siulersuisuni 2011-miilli siulittaasup tulliatut issiasimavoq.



Nuummi immikkoortortami atuisunut siunnersorti Julius Jakobsen 2020-mi qaammatini arfinilinni kingullerni meeqqat atuarfiini kiisalu ilinniarfeqarfinni 13-eriarluni saqqummi-isarpoq, matumani Qassit aamma aningaasaqarnemik paasisimasaqarneq sammillugit.



Atuisunut ikiorti Rosine Buhrkal Mælkebøtten-imi Meeqqat Iggavianni kajumissutsimik sulilluni 2020-mi 26 tiimit tunniussimavai. Rosine Mælkebøtten-imi ukiuni 6-imi kajumissutsimik sulisuuvoq.



Akilliitsiniarnermi siunnersorti Anne Fog aningaasrivimmit Røde Korsimi atornikuerniarfimmi kajumissutsimik sulisut ikuuttartut ilagaat. Ataatsimut isigalugu GrønlandsBANKEN-imi sulisut 2020-mi Røde Korsimi atornikuerniarfimmi Nuummiittumi kajumissutsimik sulinermi 162 tiimit tunniussimavaat.



Ilinniarfeqarfinnik suleqateqarneq
GrønlandsBANKEN-ip kissaatigaa ilinniagaqarnermik pitsaassuteqartumik tapersersuerusuppoq kiisalu suleqatigiinnernik siuarsaarusulluni, aningaaserivillu taamaaliortarpoq ilinniarfeqarfinnik kiisalu suliffeqarfinnik namminersortunik aamma pisortat suliffeqarfiutaannik suleqatigiinnissamut isumaqatigiissuteqarnikkut.

Qaqisa

"Qaqisa" ataatsimut suliniutit ilagaat, kiisalu atuartut angajullit ingerlariaqqiffiusumik ilinniakkamik aallartinninnissaannut kajumissaarinissamut tunngasuulluni. Piviusumik atuarfimmik klassit suliffeqarfinnut pulaartarput, inuussutissarsiummilu pineqartumi sulilluni qanoq innersoq paasisaqarfigisinnaallugu. Matuma saniatigut suliffeqarfinnit aallartitat atuarfinnut saqqummiartortutik pulaartarput.

Aningaaseriviup suliffeqarfittikiisalu atuarfiit akornanni suleqatigiinneq illutalerpaa, kiisalu aqutsisoqatigiinni sinniisoqarluni aamma aalajangersimasumik aningaasaliisartuulluni. Qaqisa nuna tamakkerlugu suliniummik ineriartortitsinikuuvoq piffissamilu suliniuteqarfiusumi matumani (2019-2021) illoqarfinni atuarfinni, angajullernut atuartitsinermik neqerooruteqartuni atulersinneqassaaq, kiisalu nunami tamarmi najukkami inuussutissarsiorneq ilaatinneqassalluni. Piffissami suliniuteqarfiusumi atuartut 2.000-it missaat angajullerni atuartuupput, kommunini tallimani atuarfinnut 25-t missaannut agguarneqarsimallutik.

GrønlandsBANKEN illoqarfinni, aningaaseriviup imikkoortortaqqarfigisaani praktikkertuuteqartarpoq, periarfissaagaangallu aningaaserivik aamma najukkami Qaqisap aqqissugaanik praktikkertarnermik aqqissuussinerni peqataasarpoq.



Ataveqatigiinnermut nittarsaanermullu
siunnersorti Peter Rex saleersuaqata-
atsitsinermi peqataasoq



SALIGAATSOQ

Ulloq saliiffik · Oprydningsdag

CSR-Greenland-ip saleersuartsisarnera "Saligaatsoq", ukiumut uteqqiattumik pisarpoq, tassani suliffeqarfiit, atuarfiit aamma innuttaasut nalunaartarput kiisalu najukkami saleersuarterlutik. Suliniut suliffeqarfinnut tunngasimavoq, innuttaasut, kattuffiit aamma atuarfiit pillugit aaqqissuussineq unamminartorujussuartut isikkoqarsimammat.

Saleersuarnerli ukiumi pisuni ima akuersaarneqartigilersimavoq, ulluliinnarneqaraagat, suliffeqarfiit najukkamilu inuiaqatigiit saleersuaqatigiittarlutik. 2020-mi ukiut aappassaa, kikkut tamarmik Saligaatsumut peqataaniarlutik nalunaarsinnaapput.

Illoqarfinni immikkoortortaqaqrusuni ukiut tamaasa peqataasarnarup saniatigut GrønlandsBANKEN Saligaatsup aqutsisoqatigianut ilaasortaavoq, kiisalu illoqarfinni immikkoortortaqaqrusuni ataqatigiissarisooqarluni.

2020-mi ullormi saleersuarfusumi illoqarfiit 17-it nunaqarfifillu 10-nik amerlanerusut peqataapput.





2020-MI SAMMISAT ANGUNIAKKALLU

Avatangiisit

Avatangiisinut mianerinninneq 2014-imiilli aningaaseri-
viup sulineranut pisortatigoortumik ilaavoq. Matumani
anigaaserivik avatangiisinut politikimik oqaasertaler-
suivoq, aningaaseriviup UN Global Compact-imut ta-
persiineranik nassuaataajutigisumik. Sulineq ukiut inger-
lanerini erseqqissarneqarnerulerpoq, systemillu nutaat
ilaatigut periarfissaalersippaat avatangiisinut ataqtigiis-
saarisumut anillatsitsinerimi, angalanerimi, illut nukimmik
atuineranni, nerisat igiinneqartarneranni aamma
eqqagassani CO2-mik atuineq naatsorsussallugu.

Misigaarput piujartitsinerimik suliniuteqarneq arlalinnik
saniatigut sunniutaasunik pitsaasunik pilersitsisoq, mi-
sissuinerit takutimassuk, aningaaserivimmi atorfinnut
qinnuteqartut amerlanerpaat, aningaaseriviuk CSR-imi
sulineranut aamma avatangiisinut mianerinninneranut
soqtuginnittut. Taamaasilluni aamma sulinerup aaqis-
suussaasup saniatigut iluanaarutaavoq pitsaasumik tu-
saamaneqarneq. Tamanna aamma sullitanut, aningaasa-
liisunut kiisalu suleqatigisanut atuuppoq.

Nutarsaaneq

Piujartitsinermi isigalugu "Nutarsaaneq" aningaaserivi-
up nioqqutaani siuttunut ilaasimavoq. "Nutarsaaneq" ta-
arsigassarsineruvoq avatangiisinik mianerinniffusoq, sul-
litanut 300.000 koruunit tungaanut piujartitsisuusunik
anigaasaliinernik taarsigassarsinissamut periarfissiisooq

ass. inigisanik inissianillu avatangiisinut attuumassuteqar-
tumik pitsanngorsaanerumut.

2020-mi Kalaallit Nunaanni avatangiisinik mianerinnil-
luni taarsigassarsinerimi emiat appasinnerpaareersut
2,9 %-imit 1,9 %-imut apparteqqippagut, piujartitsi-
nissamut suliniuteqarnissamut kajuminneq annertuner-
paamik anigaasatigut sipaaruteqarnikkut pisarmat. Mi-
sigaarput sullitatta nioqqut tigulluarsimagaat, 2019-imi
taarsigassarsinerit 407-iusut 2020-mi 393-inut appari-
alaarsimagaluartut.


Minguik

Minguik biilnut innaallagiatortunut, hybridbiilnut kiisalu
biilnut energiklasse A-nut taarsigassarsinissamut ni-
oqqutaavoq. Nioqqutip tamatuma erniai biilnut
energiiklasse A-nut 2,9%-imiippat. Misigaarput biilnik
avatangiisinik mianerinnittunik piumasaqarneq anner-
toorujussuusoq, kiisalu 2020-mi taakkuninnga tunisineq
aatsaat taama annertutigaaq 1081-inik pilersitsiffiusimal-
luni, 2019-imi "Minguik"-mik taarsigassarsinerimi aatsaat
taama annertutigereersumut 908-nut sanilliullugu. Ilima-
gaarput ineriartomeq suli pitsaanagerusimasinnaagaluar-
toq, biilnut innaallagiatortunut akitsuutit Naalakkersuis-
unit akuersissutigineqarsimanngikkaluarpata 2020-milu
eqqunneqarlutik. Taamaasilluni anigaasaqarnikkut kaju-
missuseq siusinnerusumut naleqqiullugu taama sakkor-
tutigisimanngilaq.





BIILINIK ENERGIKLASSE A-NIK TUNISINERMI REKORTILIINEQ



Innaallagissamik atuineq

Innaallagissamik atuinermik uuttuineq misissuinerlu aningaaseriviup toqqaannartumik avatangiisinut sunniuteqarneranut tunngavoq. Innaallagissamik sipaaruteqarneq aningaaseriviup illuutaani tamani seqemup qinngomeranik tigooraasunik ikkussuinerup kingorna annertuvoq. Sipaaruteqamerit anguniameqamerisa nalinga ilisi-maaraarput, kiisalu avammut sullitatsinnut attaveqarluta, avatangiisit ukkatarineqamerunissaannut. Aningaaseriviup uuttuinerisa takutippaat, seqemup qinngomeranik tigooraasunik ikkussuineq avatangiisinut mianerinninnerullunilu siunissaq eqqarsaatigalugu aningaasaqamikkut immi-nut akilersinnaasuuvoq.

Aningaaserivimmi nukissamik atuinermi soqutiginar-nerpaat ilaat Maniitsumiippoq Aasianniillunilu, erngup nukinganik nukissorfeqanngitsuni. Matumani seqemup qinngomeranik tigooraasut avatangiisinut atorsartitsinn-ginnermut pingaaruteqartuupput, ukiormannalu aam-maarluni Aasianni seqemup qinngomeranik tigooraasut nukissamik atuinerup 50 %-ia sinnerlugu matussusiisimapp-put, eqqomerusumik oqassagaanni 56 %-ia. Qaammatit ilaanni illoqarfinni taakkunani marlunni innaallagissamik sinneqartoortoqartarpoq, taamaalinermi Nukissiorfinnut tunineqartarput.

2020-mut katillugu uuttuinerit unammillermarsimapput, llulissani nukissiorfimmit qaammatit ilaanni kisitsisunik aal-lemiarneq ajornartorsiutaasarsimammat, taamaattumik ukiumut kisitsisunik tatiginartunik tunniussisinnaanngilagut.

1.474

2020-MI NUTARSAANEQ
TAARSIGASSARSINERIT KATILLUGIT

1.315

2019-MI NUTARSAANEQ
TAARSIGASSARSINERIT KATILLUGIT



Assimi takuneqarsinnaavoq Nuummi Kofoeds Skolemi sannavimmi Sammisassanut aqutsisoq Frank Simonsen saamerleq kiisalu ilinniartooq aningaaserivimmut ullaakkorsiutitik aallertut.

Nerisassanik eqqaaginnarneq


Aningaaseriviup Brugseni kantiinaqarneq pillugu isumaqatigiissuteqarfiginikuuaa, tassani aningaaseriviup sulisui akiliillutik sapaatip akunnerani ulluni tamani nerisassanik kissartunik sassaalliiffiqineqartarput. Kantiinaqarneq pillugu aaqqiissummit nerisassat sinneruttut tamarmik angerlarsimaffeqanngitsut unnuisarfiannut tunniunneqartarput, tamanna inuiaqatigiinnut iluaqutaasumik siunertaqarlunilu nerisassanik eqqaaginnarnermik annikillisaaneruvoq. Tamatuma saniatigut ullaakkorsiutitik sisamanngornerit tamaasa Kofoeds Skolemut tunniussisoqartarpoq. Nerisassat tamarmik unnuisarfimmi aamma Kofoeds Skolemi nerineqartarnerisut naatsorsorneqarnikuunngilaq, suliffeqarfiilli taakku tamarmik aaqqiissut nuannaarutigilluinnarmassuk, nerisassat amerlassusaasa ikilineqarnissaasa nalilersorneqarnissaa pisariaqarsorinngilarput.

Anillatsitsinerit

Anillatsitsinerit immikkoortut ilagaat aningaaseriviup atu-isut ilanngullugit malinnaaffigilluinnarsinnaasai, software atomeqartoq aqqtugalugu. Avatangiisinut ataqaatigiissaa-

risup systemi atortarpaa, aningaaserivimmi pingaamertut atuinermit kisitsisinik aallerfigisarlugi, sipaarniamermullu kajumissuseq 2019-ip tungaanut inuit ataasiakkaat avatangiisinut artukkiisamerup annikillisaarnissaanut piomassusaanik tunngaveqarsimavoq. 2020-mi immik-kut iliuuseqartoqarpoq, tassani ukiumoortumik anguniakkanik aqutsinermi ukkatarineqarpoq pappilissanik sipaarniameq. Anguniagaq aalajangiunneqarpoq sulisut anillatsitsinikinnerunissaannut kajumissaarniarlugit. Tamama iliuuseqartoqaraluartooq aningaaseriviup ataatsimut isigalugu 2019-imut sanilliullugu 2020-mi quppernemik 156.080-inik amerlanerusunik anillatsitsimavoq. Tamatumunnga takussutissaavoq, maannakkut siornatigumut sanilliullugu uppemarsaateqarnissamut piomasaqaateqameruneq inemilersinnaavarpullu, pappilissanik atuinerup annikillisaarnissaanut digitaliusumik systemit nutaat pisariaqartinneqartut, taakku oqartussaasut uppemarsaateqarnissamut piomasaqaataanik tapersersuisuussapput, sulisut akomanni pissutsinik allannguisunik suliniuteqarfiussapput kiisalu immaqa kajumissaarinermik aaqqiissutit amerlanerit pisariaqartinneqassallutik.





Avatangiisit pillugit suliaqarnermik ataqatigiissarineq

Aningaaserivimmut anguniagaavoq, sulisut tamarluinnarmik pingaarnertut CSR-imik sulinermit ilisimaarinnissasut, matumani aamma avatangiisit pillugit sulinermit. Avatangiisinik ukkatarinninneq aningaaseriviup atorne ranut ilaalluinnassaaq, tamattalu akisussaaffigissavarput. GrønlandsBANKEN-ip avatangiisit pillugit suleqatigiivisa tunngavik tamanna pilerseqqammerpaat. Suleqatigiinni immikkoortortat tamarmik sinniisuutitaqarput kiisalu illumut akisussaasoq aamma pisiortornermut akisussaasoq aamma ilaallutik. Avatangiisit pillugit suleqatigiinni sulinermik ataqatigiissarineq avatangiisinut ataqatigiissarisumiippoq, taassuma aamma avatangiisinut sunniuteqarnerukissiorfiup nittartagaa, app-it aqquqatigalugit aamma aningaaseriviup avatangiisinut sunniuteqarneri allat, soorlu pappilissanik atuineq aamma angalanerit nalunaarsortarpari.

7 PIJUJARTITSILLUNI NUKISSIORNEQ



2020-mi angallanneq

Angallanneq 2020-mi COVID-19 pissutigalugu anner tuumik sunnerneqarsimavoq. Timmisartumik angalanerit annikillisinneqarujussuarput, tamatumani oqartussaasut Danmarkimut sulinermit atatillugu angalanissanik nalinginnaasunik inerteqquteqarsimammata. Tamatuma kinguneraa aningaaseriviup kiisalu Danmarkimi soqutigisaqartut akornanni online-kkut ataatsimiinnerit nalinginnaanerutut atorneqalersimani. Angalanerik killilersuinerit aamma ilinniartunut atuussimapput, taakku Zoom imaluunniit Microsoft Teams atorlugit ingerlanneqarsimallutik. Onlinekkut ataatsimiinnerit 2020-p siornatigit Kalaallit Nunaanni nalinginnaanngitsuusimangillat, taamaattumillu pissutsit allanngornerisa sakkortuumik sunnersimangilaatigit.

Unamillernartuq nunani allani suleqatigisatsinnut kiisalu soqutiginnittutsinnut sakkortunerusimassaaq, qaninnerullutik kiisalu angalanissamut periarfissat pitsaanerutut sungiusimanagerugamikkit, taamaasillutillu onlinekkut ataatsimiinnerit taama atukulanerusariaqarsimanagit.

2020-mi aningaaseriviup 141,5 tons CO₂ atorpaq, 2019-imi 393 tons CO₂-mut atukkanut sanilliullugu. Ilanngunneqassaaq aningaaserivik 2019-imi sulisunut ulloqartitsimmat, tassani immikkoortortaqarfiit tarmarmik Nuummi katerippit, angalanissamut periarfissatuat tassaasut timmisartuq, qulimiguulik aamma umiarsuaq aqquqatigalugit. Tamatuma saniatigit akunnittarfimmi unnuinerit, aamma CO₂-mik atuinermut erseqqissaanitsinnut aamma nalunaarsortarpagut.

Kalaallit Nunaanni angalassagaanni timmisartumik angalasoqartariaqarpoq, angalanemullu taarsiiniarluni, GrønlandsBANKEN-ip toqqarnikuuaa angalanini silap pissusianut taarsiivigissutigissallugit 2019-imi aamma 2020-mi kr: 92.880-inik aamma kr: 26.035-nik, taamaasilluni aningaaseriviup CO₂-mut aningaasaateqarfiat ataatsimut isigalugu kr: 154.545-nik imaqarpoq (2018 ilanngullugu). Aningaasat taakku sumut atorneqarnissaat suli inaarutaasumik aalajangiunneqanngilaq, taakkulu CO₂-mik artukkiinnermut aamma Kalaallit Nunaannut iluaqutaasumik suliniummut atorussunnaput.

♀ 47%
ARNAT
AQUTSISUT

♂ 53%
ANGUTIT
AQUTSISUT

INUIT PISINNAATITAAFFII

UNGC-p anguniagaasa ilagaat suaassutsit akomanni naligiinnermik suliniuteqarnissaq, GrønlandsBANKEN-imilu aqutsisoqatigiinni pingaarnertut anguniagaavoq, aqutsisuni angutit arnallu akomanni naligiissumik aguarsimanissap pilersinnissaa attatiinnarnissaalu. GrønlandsBANKEN-imi siulersuisut taamaattumik 2013-imi suaassutsimut ikinaakkanik sinniisulinnut "Politikki kisitsisillu anguniakkat" akuersissutigaa. Aningaaserivimmi sulisut suaassuseq apeqqutaatinnagu misigissavaat atorfimmi aamma aqutsisut atorfinni assigiimmik periarfissaqarneq. Aqutsisut 2020-p naanerani ima aguarneqarput, arnat 47 %-iullutik angutillu 53 %-iullutik. Anguniagaavoq suaassutsit ikinaakkanik sinniisullit minnerpaamik 40 %-imiinnissaat.

Aningaaseriviup 2019-imi inuit pisinnaatitaaffiinik malinnissamut politikkini akuersissutigaa. Politikkimi tassani aalajangerneqarpoq "GrønlandsBANKEN-ip nunarsuarimi inuit pisinnaatitaaffii tapersersussagai kiisalu illersorneqarnerat ataqqissagaa, kiisalu inuit pisinnaatitaaffiinik unioqqutitsinnermut peqataannginnissaq qulakkiissallugu sulissutigissagipput". Matumuuna aningaaserivik tungaviusut tulluuttut ilisimaneqarnerinik paasineqarnerinillu siammarterinissamik sulissuteqassaaq; immikkoortinneqannginnissamut pisinnaatitaaffik, inuunissamut aamma inuttut

isumannaatsuunissamut pisinnaatitaaffik, kilitsissiaqartarnermut kiisalu inuunngitsutut aamma naqisimannittumik pineqarnissamut inerteqquteqarneq, eqqissisimaarsinnaanissamut kiffaanngissuseqarnissamullu pisinnaatitaaffik, ilinniagaqarnissamut pisinnaatitaaffik aamma naammaginnartumik inuuneqarnissamut pisinnaatitaaffik.

Tungaviit arlallit nalinginnaasumik sulissutigineqarput, tungaviit allat toqqaannanginnerusumik tapersorsorneqartut.

GrønlandsBANKEN siusinnerusukkut FN-ip inuit pisinnaatitaaffii pisiortorfinnut isumaqatigiissutini ilanngunissaannut suliniuteqarsimavoq, tamatumani inuit pisinnaatitaaffiinik ilisimasaqarneq kiisalu taakku attarneqarnissaannik akisussaaffeqarneq siuarsarniarlugu. Tamatuma inerneraa 2016-imi, pisiortorfiit 22-t FN-ip inuit pisinnaatitaaffiinut atatillugu pisussaaffimminnik atsiorderat. Pisiortorfiit 5-t isumaqatigiissutip atsiorderat. Pisiortorfiit taakku aningaaseriviup suli suleqatigai, aningaaseriviup ingerlatsineranut kiisalu aningaaserivittut atorderanut pingaarutilittut isigineqarmata. GrønlandsBANKEN 2021-mi pisiortorfinnut isumaqatigiissutinik, Global Compact-imik aamma inuit pisinnaatitaaffiinik nutaamik misissuissaaq.



Pilunnguaq Kristiansen
siornatigut atuisunut siunnersorti
Nuummi immikkoortortaqaarfimmi
maannakkut Aasianni aqutsisoq



SULISUT PISINNAATITAAFFII

Ilinniarneq aamma piginnaasanik ineriartortitsineq

UNGC-p anguniagaasa ilaat "Quality Education" suliffeqarfiit inunnik ilinniagaqartitsinissaannik kajumissaarisuuvoq, tamanna inunnut ataasiakkaanut, inuiaqatigiinnut aamma suliffeqarfimmut iluaqutissaavoq. GrønlandsBANKEN-ip ilinniartuuteqarmikkut, ilinniagaqartitseqqinnikkut, aqutsisunik ineriartortitsinikkut aamma "on the job training" aqutigalugit piginnaasanik ineriartortitsineq ukkataraa. Ilinniagaqarneq sulisut ineriartornerannut ilaasutut isigineqassaaq, kiisalu aningaaseriviup sulisussanik piukkunnartunik sulilersitsinissamut aamma sulisunik piukkunnartunik attassiin-narsinnaaneranut kiisalu najukkami inuiaqatigiinni ilinniagaqarnermi atorfinnut tapeeqataanissamut atasutut isigineqassalluni.

Aningaaserivik 2020-mi aningaaserinermi ilinniartunik arfineq marlunnik, trainee-nik pingasunik, praktik-kertunik kiisalu sulisunik ilinniagaqaqqittunik arlalinnik peqarpoq. Matuma saniatigut 2019-imi HD 2. del-imi, aqutsisutut ilinniakkanik, akademimi ilinniakkanik il.il. naammassinnittoqarpoq.

Saamerlermiit:

Aningaasaqarnermuit ilinniartuq Arnajaraq Pedersen
Aningaasaqarnermuit ilinniartuq Suusi Jensen Henningsen
Aningaasaqarnermuit ilinniartuq Maannguaq H. Berthelsen
aammalu finanstrainée Tulliaq Olsen

Maannakkorpiaq siunnersortit qulit aningaaserinermik akademimi ilinniarnermik ingerlatsipput. Aningaaserivimmi peqqinnissamut sammisat aningaaserivimmi peqqinnissamut ambassadørini pingasuni tunngaveqarput, taakku sammisassanik suliniutinik assigiinngitsunik aallartisaasarpur, tamatumani timimik aalatitsinissamut, sulinerup nalaani allaffimmi yogamut aamma massagertinnissamut aningaasatigut tapersersuinerit pillugit neqeroorutit allat saniatigut ingerlanneqartunik.





Aningaaseriviup 2020-mi sulisut marluk CSR-imi ilinniarnissamut aallartippai. Aningaaserivutaaq 2021-mi sulisut marluk aamma CSR-imi ilinniarnissamut aallartissavai. Assimi takuneqarsinnaapput (allermi saamerlermit) Attaveqatigiinnermut siunnersorti Melissa Zeeb aamma HR-imi pisortaq Patricia Lund Olsen.

Suliffimmi pissutsit, isumannaassuseq aamma peqqissuseq

Suliffimmi pissutsit isumannaatsut aamma ulluinaat peqqinnartut sulisunut sullitanullu pingaaruteqarput. Sulisut suliffimmi iluarisimaangippata, piffissap ingerlanerani sullitat tamanna aamma malugissavaat. 2020-mi suliner-mi ajoqusernerit 0-t nalunaarutigineqarput. 2020-mi sulisut 136-t akornanni ullut napparsimaffit 905,57-iupput. Aggvaqatigiissillugu napparsimalluni sulinngitsoornerit aningaaserivimmi tamarmi 2020-mi ullut 6,66-iupput,

tamanna 3,03 %-iuvoq. Piffissami sivisunerusumi napparsimanerit aggvaqatigiissisinnermut sunniuteqarput, piffissamilu sivisunerusumi napparsimanerit, aningaaserivimmut attuumassuteqangitsut eqqarsaatigissanngikka-anni, ineriartorneq appariartortoq takuneqarsinnaavoq. Napparsimalluni sulinngitsoornerit, piffissami sivisuneru-sumi napparsimanerit ilanngunnagit, ullut 591,57-iupput, tamatumani aggvaqatigiissillugu ullut 4,35-iupput, tassa 1,98 %-iulluni.



PEQQUSERLULLUNI ILUANAARNIARNERMIK AKIUINIARNEQ



GrønlandsBANKEN-ip peqquserlulluni iluanaarniarnerit suulluunniit, matuma ataani pinngitsaaliilluni akiliisitsiniar-
tarneq aamma akiliilluni peqquserlutsitsiniarneq akiorniar-
lugit sulivoq. Taamaattumik GrønlandsBANKEN tunissutinut politikkeqarpoq, tamatumani malittarisassanik aalajangersaasoqarpoq, sulisut sunik qanorlu nalilinnik tunissutisinaanersut. Politikkimi aamma aalajangersar-
neqarput, sullissinerit illuatungiliinissamut naatsorsuute-
qarfiulersinnaasut qanoq iliuseqarfigineqassanersut pillugit malittarisassat. Aningaaserivittaag peqquserlul-
luni iluanaarniarnermik akiuiniarnermik politikkeqarpoq, tamatumani ilaatigut aalajangerneqarpoq soqutigisani akerleriinnermut, akiliilluni peqquserlutsitsiniarnermut, pinngitsaaliilluni akiliisitsiniarnermut, peqquserlunner-
mut, paarisaniq peqquserluuteqarnermut, tunissutinik atornerluinnermut aamma qanitanik salliutitsinnermut akuersaanngilluinnartoqamissaa.

Aningaaserivimmi sulisut tunissutinut aamma peqquserlulluni iluanaarniarnermik akiuiniarnermut politikkinik ilinniartinneqarnikuupput. GrønlandsBANKEN-ip pingaarnertut inuiaqatigiinnut akisussaaqataaananeranut politikkia aamma GrønlandsBANKEN-ip avatangiisinut politikkia assigalugit GrønlandsBANKEN-ip peqquserlulluni iluanaarniarnermik akiuiniarnermut politikkia tamaniq Banken.gl-imi takuneqarsinnaavoq. Politikkit 2020-mi unammillerfusimangillat.

GrønlandsBANKEN-imi sullitatta naammagittaalliorneri ingerlaavartumik nalunaarsorlugillu nakkutigisarpagut, taamaasilluta oqimaaqatigiissumik inatsisinullu naapertuut-
tumik sullissinerput qulakkeersinnaavarput kiisalu sullissiner-
mut paasisutissiinerpullu pitsanngorsarsinnaallugu. Aningaaseriviup naammagittaalliuutit attuumassuteqar-
tut tamaasa malittarisassat atuuttut naapertorlugit suliarisarpai kiisalu aningaaseriviup taarsigassarsinissamut itigartitsissutai iliuseqarnerillu allat assigusut tunngavilersuutai sullitat paasinnaasaannik pisarlugit.

2020-mi aningaaseriviup naammagittaalliuutinik akisussaasuata sullitat naammagittaalliorneri 13-it nalunaarsorsimavai (inuinnaat 11-t kiisalu inuussutissarsiornermi sullitat 2-t). Naammagittaalliuutini 13-imi naammagittaalliuutit 5-it akuerineqarsimapput, 2-t ilaannakortumik akuerineqarlutik, naammagittaalliuutit sinneri itigartinneqarlutik.

Tamatuma saniatigut aningaaserivik whistleblower-imik aaqqiissuteqarpoq, taamaasillutik sulisut kinaassutsimik isertuussillutik nalunaaruteqarsinnaapput, aningaaserivimmi pissutsinik inuit pisinnaatitaaffinik imaluunniit inatsisunik unioqqutitsinnaasunik misigisaqarunik. Aningaaserivik maannamut nalunaarutinik tigusaqar-
nikuunngilaq.






Atuisunut siunnersorti Najanguaq D. Lennert apriliip aallaqqaataaniit Sisimiuni immikkoortortaarfiani aqutsisungortussaq




2020-MUT ISUMMER

Kalaallit Nunaanni aningaaserivittut annerpaatut kiisalu *Kalaallit Nunaata tamarmi aningaaseriviatut* tunngaviusumik inuiaqatigiinnut akisussaaffigaarput, Kalaallit Nunaanni inuiaqatigiinni piujuartitsisumik tunngaveqartumik ineriartortitsinermik aamma annertusaanermik qulakkeerinninnissaq.

2019-imi GrønlandsBANKEN sinerissap qanittuani aalisarnerup iluani suliaqartunut nutaanut aalisariutinik aningaasaliineq unitsippaa, tamatumunnga pissutaavoq aalisarneq piujuartitsiffiunngimmat. Biologit innersuusutaannit annertuumik aalisartoqarneruvoq, tamatuma ilaatigut kinguneraa qalerallit agguaqatigiissillugu angisusaat malunnartumik millisimammat. Ineriartorneq tamanna siunissaq ungasinnerusoq eqqarsaatigalugu piujuartitsinermut kiisalu umiatsiaararsorlutik aalisartut isertitaannut annertuumik kinguneqarpoq, tamatumani aalisartut amerlavallaarmata aalisakkallu ikippallaarlutik. Aningaaseriviup ineriartorneq tamanna illuanut saatsikkusuppaa, suliaqartunullu nutaanut aningaasaliineq suli matoqqatillugu. Suliniutip tamatuma maannakkut aalisartuusut, aalisariutinut aningaasaleereersimasut illersussavai. Tamanna 2020-mi aalajangiusimaannassallugu aalajangernikuuarpup, Naalakkersuisut suliniutinik piujuartitsinerusunik saqqummiinissaata tungaanut. Oqaatigisinnaavarput, suliniutit taakku suli utaqqineqarmata, kiisalu aalisartut eqqorneqartut aalisakkallu suli tatineqariartuinnarmata.



SORNEQ





COVID-19-ip nalaani aningaaseriviup inuiaqatigiinnut akisussaaqataanera

Aningaaserivimmut pingaaruteqarsimavoq nunarsuarmi tuniluunneq malinnaaffigilluassallugu, tamatumani sullitat-sinnut sapinngisamik annertunerpaamik kinguneqaatissat annikillisarmlugit. Aningaaseriviup COVID-19-ip akornartorsiortitsinerani inuiaqatigiinnut tapiissutaa pingaarnepaaq tassaasimavoq, inuussutissarsiortunut aamma innuttaasunut eqqugaasunut aningaasalersuinerup attatiinnamera kiisalu inuussutissarsiortunerup ajornartorsiortoqaraluartoq ingerlaannamissaanut tapeeqataaneq. Ajornartorsiortermik aqutsiniarluni suliniutit sunniuteqarluartut allarpasuit peqatigalugit, aningaaseriviup inuinnarnut aamma inuussutissarsiortunut taarsigassarsiarititaanut akiliingiffeqartitsinerup sunniuteqaqataaffigaa, Kalaallit Nunaanni inuiaqatigiit ingerlalluarsimanagerat kiisalu inuiaqatigiit aningaasaqamerannik sunniinerup killilersimaarneqarsinnaasimanagera. Aningaaseriviup nalilerpaa sullitat, aningaaserivik aamma inuiaqatigiit COVID-19-ip ukiuanit siullermit aninguilluarsimasut, nunarpassuarnut allanut tamangajannut sanilliullugu.

CSR pisussaaffiliigaangat

Immikkoortumi siusinnerusumi nassuiarneqareersutut aningaaseriviit pijuartitsinermik suliaqarfimmi suliniuteqarnerannut naatsorsuuteqarneq ukiuni makkunani sakkortoriartorpoq, GrønlandsBANKEN-illu suliniutai qulamangilluinnartumik 2021-mi ukiunilu aggersuni sukaterneqassapput, nutarterneqarlutik ineriartortinneqarlutillu. GrønlandsBANKEN-ip qularinngilluinnarpaa tamatumani Kalaallit Nunaat immikkut ukkatarisaqartoq. Siusinnerusukkut taaneqareersutut nalilerparput nuna tamakkerlugu anguniakkanik kiisalu aaqqissuussamik sammiveqartumik nunani allani takusakkat assigalugit pisariaqartitsisoqartoq. Tamatuma saniatigut misigaarput pijuartitsineq sorpassuartigut nunarsuarmi annertunerujartortumik silap pissusaanut silallu pissusaanut sunniinermut naligiissinneqariartortoq. Kalaallit Nunaanni pijuartitsineq aamma silap pissusaanut tungavoq, siusinnerusukkulli suliniutinik annertuunik, atajuartunik nukissiuutitigut maannakkut nunami nukinnik atuinertup 70 %-ia pilersuiffiuvoq, tamatumali saniatigut pijuartitsineq aamma inuiaqatigiinni pijuartitsineruvoq, uumassusilinnik atuinermi pijuartitsineruvoq, takornariaqarnermik ineriartortitsinermi pijuartitsineruvoq, aatsitassani il.il. GrønlandsBANKEN-ip pingaarmertut ukkatarai Kalaallit Nunaannut attuumassuteqartutut isumaqamerusut, akisussaaffipput siammassinnerusoq aamma eqqarsaatigalugu.

ANINGAASERIVIUP INUIAQATIGIINNUT AKISUSSAAQATA-ANERANIK NALILIINEQ

CSR-imi suliaqarneq ataasiuvoq, allaavorli suliniutip anertusinera iluatsinneralu. Nalunaarusiami matumani inernerusunik uuttuutit ersersinneqarput, iluatsilluarsimagangata iluatsinnissaalu ajornakusoornerusimagaangat.

Aningaaseriviup suliaanik inuiaqatigiit uuttuullutillu oqimaalutaagaangata

Suliffeqarfiup inuiaqatigiinnut akisussaaqataaneranut atillugu tusaamaneqamera suliniutinik sunniutaanillu uuttueriasiuvoq.

Sullitat iluarisimaarannik misissuinermi sullitat GrønlandsBANKEN inuiaqatigiinnut akisussaassuseqartutut suliffeqarfittut 1-imiit 10-mut qanoq nalilerneerat pillugu aperineqartarput. Sullitat inuinnaat aningaaserivik 77-imi inissimasutut nalilerpaat (2020-mi inuussutissarsiummi anguniagaq 75-iulluni) 100 indeks-pointinut uuttorlugu, inuussutissarsionermi sullitat tamatumani suliffeqarfittut inuiaqatigiinnut akisussaassuseqartutut aningaaserivik 78-imi inissimasutut nalilerpaat (2020-mi inuussutissarsiummi anguniagaq 73-iusoq). Inuussutissarsionermi sullitat naliliinerat aningaaseriviup inuussutissarsiutinut COVID-19-imik eqqugaanerpaanut toqqaannartumik ikiuineranik pitsaasumik sunnerneqarsimasinnaavoq.

Sulisut iluarisimaarnerat

Aningaaserivimmi sulisut naammagisimaarnerat ukiorpaalunni qaffasissumik inissimasimavoq, kiisalu aningaaserinermik ingerlataqarfimmi agguaqatigiissitsinermiit qaffasinnermik inissimasimalluni. 2020-mi indekspointit 100-nit 81-imut uuttorneqarpoq, taamaasillunilu anguniagaq 81-iusoq eqqortillugu. Sulinermik nuannarinnineq aamma 81-imik inerneqarpoq, 2020-mut inuussutissarsiummi anguniakkamit 77-iusumit qaffasinnerulluni.

"Decent Work and Economic Growth" UNGC-p pingaartitaasa ilagaat, suliffeqarfiup sulisuinut suliffimmi pissutsinut pitsaasunut tunngassuteqartoq. Aningaaseriviup sulisut iluarisimaarannik misissuineq sulisunut suliffimmi pissutsinut ilumeersunut takussutissiisutut isigaa. Aningaaseriviup sulisuisa aningaaseriviup COVID-19-imik aqutsinera iluarisimaarluinnarpaat, kiisalu coronap tuniluunnera pillugu isumaginnineq pillugu aamma aningaaseriviup iliuusissat pisariaqartut iliuuserisimanerai pillugit apeqqutinut indeks-pointinut 100-sunit 91-ersimalluni.

Kajumissutsimik suliaqarneq

Kajumissutsimik suliaqarneq 2020-mi killilersuinernit sunnerneqarsimavoq, tamanna tunngavigalugu CSR-imi tiimit angorusutaraluagut tunniutinngitsoorsimavagut, aamma CSR-imi tiimit 2019-imut sanilliullugu qaffariarsimagaluartut.

Silap pissusaanut taarsiineq

2020-mi, 2019-imi iliornitsit, timmisartumik angalanigut silap pissusaanut taarsiivigissallugit aalajangersimavugut. Ukiumut siuliinut sanilliullugu 2020-mi timmisartumik angalanerit ikinnerujussuupput.

2021 siunissarlu

2021-mi naatsorsuutigaarput niuernermi piujuartitsineq pitsanngorsarlugulu sulissutigissallugu. Tamanna ilaatigut avatangiisinut aamma piujuartitsinermut atillugu aningaasaliinermut aamma aningaaserinermi piumasaaqatinut tunngavoq.

Kalaallit Nunaannut piujuartitsinermut periusissiaq

Silap pissusaa piujuartitsinerup iluani pingaaruteqarpoq, piujuartitsinermulli naligitinneqakkajuttarpoq, pingaartumik Skandinaviami kiisalu nunani kippasinnerusuni. Nuannerpoq takullugu Namminersorlutik Oqartussat Kalaallit Nunaata Nunarsuarmi anguniakkat anguniarlugit suliniutai erseqqissarsimagai, kisiannili Kalaallit Nunaannut nuna tamakkerlugu piujuartitsinermi periusissiamik, ataatsimut siunnerfiliisumik pisariaqartitsisoqarpoq. Qularnanngilaq suliffeqarfiit iliuuseqarujussuarsinnaasut, kiisalu suliffeqarfiit, NGO-t aamma naalagaaffiup suliassaq kivissinnaassappassuk, ataatsimut siunnerfimmik pisariaqartitsoqarpoq. Kalaallit Nunaata anguniakkani nammineq erseqqissassavai, matumanilu inuiaqatigiinni piujuartitsinisamat suliniutit silap pissusaani suliniutit pingaaruteqartigipput. Aalisarneq aamma isumaginnineq piujuartitsifiusoq, matuma ataani naligiinneq kiisalu ilinniagaqarneq erseqqissuupput.

Atlantikoq qulaallugu mittarfissanik sanaartomermut atillugu aamma takornariaqarnermut periusissiamik piujuartitsiffiusumik pisariaqartitsisoqarpoq.





Aningaaserivimmut allangorarnermut uuttuutinik allanngui neq

Aningaasaqarnermik piujuartitsiffiusumik matumunngalu piunasaqaataasunik, aningaaserivik allangorarnermut uuttuutinik allannguisariaqassaaq, CSR-imi sulinermit nammineq kajumissutsimik suliaqarnermik tunngaveqartunit, piujuartitsinemi suliaqarnermut annertunerpaamik immikkoortuni arlalinni malittarisassanik malinniffiusussamik;

matuma ataani nioqquitit nutaat, CO₂ -mik annikillisaanisamat anguniakkat ersarinnerusut, kiisalu minnerunngitsumik piujuartitsinermik suliaqarnermik malittareqqiinemut paasissutissat amerlanerusut. Aningaaseriviup anguniagaraa, sulineq tamanna aamma najukkami inuiaqatigiinnut ineriartortitsinermut tapeeqataassasoq kiisalu Kalaallit Nunaannut iluaqutaalluni.



ILANNGUSSAT

Inooqataanermi, namminerlu piumassutsimik sulineq			2018	2019	2020	2020	2021
			Tamakk.	Tamakk.	Anguniakkat	Tamakk.	Anguniakkat
CSR-imit suliaqarnerit		tamakk.	483,30	610	1.200	823	1.400
Siunnersorneqarnissamut taarsigassar-sinissamullu periarfissat							
Tasiilaq	Ukiumut marloriaq	amerl.	2	2	2	1	1
Uummanaq	Ukiumut marloriaq	amerl.	1	2	1	1	1
Ill. nunaqarf. allat	Ukiumut arfinileriaq	amerl.	n/a	4	6	0	6
Aningaasaqarnermik paasisimasaqarneq							
Ilinniartitaaneq – aningaasanik spilerneq		amerl.	13	15	20	19	20
Aallarnisaanermi – kinguaariillu paarl. siunn.		tiimit	115,5	100	>200	75	>200
Attumassuteqartunik oqaloqateqarneq							
Sullitat							
Suliffeqarfik inooqataanermi akisussaaqataasoq		index angun.	77	78	78	77,5	78
Inuinnaat inuussutissarsiortullu ataatsimut iluarisimaarinninnerat		index angun.	73	72	79	77,5	79
Naammagittaalliutit		amerl.	18	16	n/a	13	n/a
Sulisut							
Piginnaasatigut inuttullu ineriartorneq		index angun.	72/74	79/79	79/79	79/79	79/79
Sulisut naammagisimaarinninnerat		index angun.	76	81	81	81	81
Sulinermi avatangiisit isumannaallisaanerlu							
Napparsimalluni sulingittoornerit		ullut	862	*676	500	*591	500
Silap pissusaa /avatangiisit							
Aningaaserivimmi innaallagissamik atuineq**	tonsit CO ²		6% ikileriaat 302,55 t CO ²	393	<225 t CO ²	141,5	<225 t CO ²
"Nutarsaaneq"-mik taarsigassarsisut amerlassusai		amerl.	1.165	1.315	1.400	1.465	1.600

* Sivisuumik napparsimalluni nalunaarnerit ilanngunnagit kisisit

** Aningaaserivimmi nukimmik atuineq maannamit immikkoortumik nutaamik taarsemeqassaaq "Piujuartitsineq – malittarisasanik malinninnissamut piumasaqaat" anguniangassanik tulluittunik imaqartoq "Avatangiisinik mianerinnittunik aningaasaliinerit amerlassusaaq" aamma "Siunissamuy anguniakkat, CO₂-mik annikillisaanerit"





2020-MI ANINGAASALIINI KUUSAGUT

- ✓ TOUR DE SISIMIUT
- ✓ SAK
- ✓ RALAK'09
- ✓ BAT 98
- ✓ JULEBIO ILULISSAT
- ✓ IAPP
- ✓ KANGIA RACE
- ✓ ILULISSAT ORIENTERING
- ✓ UVAASOQ
- ✓ RØDE KORS ILULISSAT
- ✓ GSS
- ✓ NORDIC CRAFT NUIF
- ✓ AMSM
- ✓ ABK
- ✓ GØR MAJ SUND AASIAAT
- ✓ ARPAK 17
- ✓ ELITE SPORT GREENLAND
- ✓ KAK
- ✓ B-67
- ✓ NUUK INTERNATIONALE FILMFESTIVAL
- ✓ RØDE KORS JULEHJÆLP
- ✓ TRANSPARENCY GREENLAND
- ✓ SISORARFIIT
- ✓ JULEMANDSARRANGEMENTER
- ✓ LIONS JULEBINGO
- ✓ RASMUS LYBERTH-FILM
- ✓ ROTARY JULELOTTERI
- ✓ NERIUFFIK
- ✓ HJERTELIVET
- ✓ NAMMINEQ ILIUUSEQARNISSAQ
- ✓ JOSEF LUND OLSEN - CD
- ✓ QASUJAALLISARTA
- ✓ WENUITS
- ✓ KATUAQ
- ✓ NSP GULDSPONSOR
- ✓ SOMMERSKOLE TASIILAQ
- ✓ NUUK GOLFKLUB
- ✓ NORDATLANTENS BRYGGE
- ✓ LADIES CIRCLE CHARITY DINNER
- ✓ CROSSFIT AALASA
- ✓ LIONS CLUB QAQORTOQ
- ✓ BADMINTONKLUBBEN
- ✓ QAQORTOQ MARATHON
- ✓ K 1933
- ✓ QAQORTOQ SKIING RACE
- ✓ K 1933 FUTSAL
- ✓ KAGSSAGSSUK
- ✓ AVI



“

Kalaallit Nunaanni suliffeqarfik pitsaanerpaaq
– Kalaallit Nunaannut iluaqutaasumik

”



Suliarinnittut: Refleksion.info